

06/02/1998

PM Lebanon lawat Malaysia

BEIRUT, Khamis - Perdana Menteri Lebanon, Rafic Hariri, akan melakukan lawatan rasmi dua hari ke Malaysia mulai Isnin depan bertujuan membangunkan hubungan ekonomi dua hala.

Hariri dijadual berunding dengan Perdana Menteri, Datuk Seri Dr Mahathir Mohamad yang melawat Lebanon pada Jun 1997.

Selain isu hubungan dua hala, krisis kewangan Asia Tenggara turut dijangka menjadi topik perbincangan selain suasana politik serantau.

Beberapa perjanjian dua hala, khususnya perlindungan pelaburan, dijangka ditandatangani ketika lawatan Hariri.

Pemimpin Lebanon itu akan diiringi Menteri Kewangannya, Fuad Sanioura. -
AFP

(END)